



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXII. Innovatio declarationum nonnullorum Pontificum de Curialibus
meretricibus, & Cortesanis, in qua Census Vitalitii, & contractus cum
earum vita perituri in præjudicium Monasterii Monialium S. ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

expressè, quod nullo unquam tempore sub simi-
lium, vel dissimilium exemptionum, & immuni-
tatum revocationibus, abrogationibus, annulla-
tionibus, aut aliis quibilibet contrariis disposi-
tionibus, & Constitutionibus pro tempore eden-
dis comprehendantur, sed semper ab illis excep-
ta, & quoties illæ emanabunt toties in pristinum,
eumque validissimum statum restituta, reposita, &
reintegrata, ac etiam sub posteriori data per qua-
cumque personas eligenda de novo concessa sint,
& esse censeantur, necnon pro sufficienti eorum
derogatione de illis, eorumque totis tenoribus spe-
cialis, specifica, individua, & expressa, ac de ver-
bo ad verbum, non autem per clausulas genera-
les idem importantes, mentio, seu quævis alia ex-
pressio faciendâ, aut alia exquisita forma ad hoc
servandâ foret, illorum omnium, & singulorum
tenores, formas, & occasiones præsentibus pro
plene, & sufficienter expressis, insertis, ac servatis
respective habentes, illis aliàs in suo robore per-
mansuris, ad præmissorum effectum, specialiter,
& expressè derogamus, ac derogatum esse volumus,
& cæterisque contrariis quibuscumque.

Publicati
mandat.

§. 14. Ut autem eadem præsentibus literæ ad om-
nium notitiam facilius deveniant, volumus, &
auctoritate Apostolica decernimus, illas ad valvas
Basilicæ Principis Apostolorum, & Cancellariæ
Apostolicæ, ac in acie Campi Floræ de Urbe per
aliquem ex Curforibus nostris publicari, ac illarum
exempla ibidem affixa relinqui, quæ sic pub-
licatæ omnes, & singulos, quos concernunt, per-
indè afficiant, & ardeant, ac si illorum unicuique
personaliter notificatæ, & intimatæ fuissent.

Transumptis
fidem adhi-
beri mandat.

§. 15. Urque earundem præsentium Transump-
tis, seu exemplis etiam impressis, manu Nota-
rii publici subscriptis, & sigillo alicujus personæ
in Ecclesiastica Dignitate constitutæ munitis, ea-
dem fides in judicio, & extra illud adhibeatur,
quæ præsentibus adhiberetur, si forent exhibitæ,
vel ostensæ.

D. P. An. I.
die 9. Octob.

Datum Romæ apud S. Mariam Majorem sub
annulo Piscatoris die 9. Octobris 1670. Pontifi-
catus nostri anno primo.

*Anno à Nativitate D. N. J. C. 1670. Indictione
oſtava, die verò 11. mensis Octobris, Pontificatus au-
tem Sanctissimi in Christo Patris, & D. N. D. Cle-
mentis Divina providentia Papæ X. anno ejus pri-
mo, præsens Constitutio affixa, & publicata fuit ad
valvas Basilicæ Principis Apostolorum, & Cancellari-
æ Apostolicæ, & in acie Campi Floræ, locis solitis,
& consuetis Urbis per me Laurentium Signum San-
ctiss. D. N. D. Papæ Curs. Joseph Pizzardus Curs.
Mag.*

XXII.

Innovatio declarationum nonnullorum Pontificum
de Curialibus meretricibus, & Cortefanis, in
qua Censu Vitalitii, & contractus cum earum
vita perituri in præjudicium Monasterii Monia-
lium S. Mariæ Magdalenz de Pœnitentia in Ur-
be ipsi prohibentur.

Edita An. D.
1670.

CLEMENS PAPA X.

Ad futuram rei memoriam.

Statutum
Leonis X.

§. 1. **D**udum scilicet rec. Leo Papa X. Prædecef-
sor noster Monasterio Monialium S. Ma-
riæ Magdalenz de Pœnitentia in Urbe per ipsum
erectò, pro illius oneribus supportandis, omnia,
& singula bona, ac spolia Curialium Meretricum
ex illicito quæstu, & extrâ matrimonii claustra, &
pudorem viventium in eadem Urbe pro tempore
ab intestato, & absque condendi Testamenti facul-
tate decedentium perpetuo applicavit & incorpo-
ravit, reservata tamen eisdem Curialibus facultate
testandi, dummodò prædictò Monasterio quartam,
vel quintâ partem eorundem bonorù reliquissent.

§. 2. Et huic dispositioni inhærens rec. mem.
Clemens Papa VII. pariter Prædecessor noster, de-
crevit, ut tam Cortefanz nuncupatæ, quam quæ-
palam in prostibulis quæstum faciunt, & alias ex
quocumque turpi quæstu viventes, & quomodolibet
etiam in domibus propriis, vel alibi ad instan-
tiam cætarum personarum sæcularium, vel Ecclesi-
asticarum detentæ, vitam impudicam agentes mu-
lieres quartam, vel quintam partem (quam piè
mem. Innocentius Papa X. etiam Prædecessor nos-
ter ad tertiam auxit) eidem Monasterio verè, &
cum effectu non relinquentes, careant omni facul-
tate disponendi de propriis bonis, nedùm per
viam testamenti, sed etiam donationis causa mor-
tis, vel inter vivos, aut alterius dispositionis, adeò
ut tali casu earum bona quæcumque d. Monaste-
rio applicata, ac perpetuò appropriata esse in-
telligerentur, & aliàs prout in eorundem Leonis
14. Kal. Junii 1520. & Clementis Idibus Augusti
1525. ac Innocentii Prædecessorum die 31. Maii
1649. expeditis literis, quarum tenores præsentibus
pro plene, & sufficienter expressis, ac de ver-
bo ad verbum insertis haberi volumus, uberius
continetur.

Quod Clem.
VII. ad Cor-
tesanas ex-
tendit.

§. 3. Cum autem (sicut accepimus) ante dic-
tæ mulieres sæpenumero suas pecunias investiant
in censibus vitalitiis, & aliis contractibus cum earum
vita perituris, & ex hoc mens, & finis earundem
literarum eludatur non sine gravi dicti
Monasterii detrimento, quod à multo tempore,
ob tales contractus in obitu dictarum mulierum
nihil ferè ex earum bonis consequi potuit, & hoc
subsidio destitutum, ingenti ære alieno gravatum
reperitur.

Causa decla-
rationis.

§. 4. Hinc est, quod Nos ejusdem Monasterii
indemnitati quantum cum Domino possimus con-
sulere cupientes, de consilio particularis Congre-
gationis nonnullorum Romanæ Curie Prælato-
rum, qui jussu felicis me. Clementis Papæ IX. itidem
Prædecessoris nostri, rem maturè discusserunt,
Motu proprio, & ex certa scientia, & matura
deliberatione nostris, deque Apostolicæ potesta-
tis plenitudine, tenore præsentium declaramus, &
decernimus, ut in posterum memoratæ mulieres
hujusmodi census, & contractus facere nullatenus
possint, nisi prius obventa in scriptis licentia à
Protectore unâ cum aliis pro tempore deputatis
ad regimen ipsius Monasterii.

§. 5. Quam quidem licentiam iidem Deputati
impartiri nequeant, nisi eodem contextu prædi-
ctæ mulieres, vel tertiam partem, quæ illi ex pecunia
investiendâ obventura esset, vel aliam cer-
tam summam per eosdem Deputatos congruè ar-
bitrandam, Monasterio prædicto tradiderint, aut
saltem pro dicta tertia parte specialiter alia bona
hypothecaverint, aut venditor census in forma
juris valida se obligaverit, ad eam eidem Mona-
sterio solvendam, itaut statim sequuta illarum
morte, Monasterio acquiratur; aut alio modo pro
eorum arbitrio, & prudentia provideant, ut ex
hujusmodi contractibus, nullum præjudicium ei-
dem Monasterio inferatur. Quatenus verò ipsum
Monasterium pecunia, ut præfertur investiendâ in-
digeret, vel quavis alia ratione, aut causâ ipsi ex-
pediret eandem pecuniam in proprios usus con-
vertere, tunc Monasterium, in censibus, & con-
tractibus hujusmodi celebrandis cum iidem pa-
tris, & conditionibus præferatur omnibus aliis cu-
juscumque sint status, gradus, & conditionis, etiam
si esset Ecclesia, vel alius locus pius, & eo casu dic-
tæ mulieres ad traditionem, vel assignationem ter-
tiæ partis, vel alterius summæ, ut supra minimè te-
neantur. Quod si census, & contractus hujusmo-
di sine dicta licentia, ut præfertur obventa fuerint
celebrati, Monasterium prædictum post obitum
mulierum sive contrahentium procedere possit,
& valeat, non quidem contra alios contrahen-
tes, aut bona ipsorum, sed contra alia bona ea-
rundem mulierum defunctorum perindè, ac si

Decretum
irritans.

tales census, & contractus cum eis initi non fuissent.

§. 6. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac dicto Monasterio in omnibus, & per omnia inviolabiliter observari, nec de subreptionis, & obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam quantumvis magno, & substantiali defectu, notari, impugnari, infringi, retractari, ad terminos juris reduci, in controversiam vocari, aut adversus illas aperiitionis oris, restitutionis in integrum, aliudque quodcumque juris, facti, vel gratiæ remedium intentari, vel impetrari, seu impetrato, etiam motu, scientia, & potestatis plenitudine paribus concessio, vel emanato, quempiam in iudicio, vel extrâ illud uti, seu se juvare, ullo modo unquam posse. Sicque & non aliter in præmissis per quoscumque Iudices Ordinarios, & Delegatos, & causarum Palatii Apostolici Auditores, ac S. R. E. Cardinales etiam de latere Legatos, & alios quoslibet quacumque præminencia, & potestate fungentes, & functiones, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 7. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ memorati Prædecessores in suis respectivè litteris supradictis voluerunt non obstare, cæterisque contrariis quibuscumque.

Transumptorum
fides.

§. 8. Volumus autem, ut earumdem præsentium litterarum &c. Transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ aunitis, eadem prorsus fides in iudicio, & extra adhibeatur, quæ adhiberetur ipsis præsentibus, si forent exhibitæ, vel ostensæ.

Dat. P. An. 1.
die 11. Oct.

Datum Romæ apud S. Mariam Majorem sub annulo Piscatoris, die 11. Octobris 1670. Pontificatus Nostri Anno primo.

Anno à Nativitate D. N. Jesu Christi 1670. Indictione octava, die verò 24. Octobris, Pontificatus Sanctissimi D. N. D. Clementis Divina providentia Papæ X. anno ejus primo, supradicta Constitutio affixa, & publicata fuit ad valvas Curie, & in acie Campi Floræ, ac aliis locis solitis, & consuetis Urbis, per n. e. Carolum Franceschinum Apost. Curs.

Joseph Pizzardus Mag. Curs.

XXIII.

Breve in quo dispensatur cum Clericis, & Laicis Congregationis Clericorum Pauperum Matris Dei &c. qui in dicta Congregatione tanquam in statu Regulari, & sub titulo Religionis solemniter profiteri non intendunt.

De horum Clericorum Congregatione, vide quæ indicavi tibi ad Const. 92. Cum sicut, Alex. VII.

Edita An. D.
1670.

CLEMENS PAPA X.

Ad futuram rei memoriam.

Clemens IX.
quid fecerit.

§. 1. **C**um scilicet, rec. Clemens Papa IX. Prædecessor noster Congregationem secularem Clericorum Pauperum Matris Dei Scholarum Piarum nuncupatam, in quo vota simplicia dumtaxat cum juramento perseverantiæ ad præscriptum litterarum rec. mem. Alex. PP. VII. Prædecessoris pariter nostri in simili forma Brevis die 24. Januarii 1656. expeditarum emittebantur ad primævum statum Regularem, & titulum Religionis, in quo illam piæ mem. Gregorius Papa XV. etiam Præ-

decessor noster olim per suas itidem in forma Brevis die 18. Novemb. 1621. emanatas litteras constituerat, auctoritate Apostolica restituerit, ac reintegraverit, prout in ipsius Clementis Prædecessoris litteris pariter in forma Brevis die 23. Octobris 1669. desuper expeditis, quarum tenorem præsentibus pro plenè, & sufficienter expresso, & inserto haberi volumus, uberius continetur.

Causa decreti.

§. 2. Nonnulli verò tum Clerici, tum Laici, qui ante præarratam reintegrationem vota simplicia, & juramentum perseverantiæ hujusmodi in d. Congregatione emiserant, supplices à Nobis petiverint, ut quando ad professionem solemnem in hoc novo Religionis statu emitendam minimè se vocari sentiant, & inter solemniter professos ipsi non solemniter professi quietè, ac sine regiminis perturbatione degere non satis valeant, eosdem à præarratis votis simplicibus, & juramento in prædicta Congregatione emissis prorsus eximere, atque ab eorum vinculis absolvere de benignitate Apost. dignaremur.

Dispensatio
qua in Rub.

§. 3. Nos illorum ac dictæ Congregationis statui, & quieti quantum cum Domino possumus providere cupientes, de nonnullorum Romanæ Curie Prælatorum super hoc negotio à nobis specialiter deputatorum, qui rem semel atque iterum examinarunt, & maturè perpenderunt, ac etiam dilectum filium Procuratorem Generalem dictæ Religionis audiverunt, consilio, dilecto pariter filio Præposito Generali ejusdem Religionis harum serie præcipimus, & mandamus, ut omnibus tum Clericis, tum Laicis, qui aliis in statu d. Congregationis vota simplicia, & juramentum perseverantiæ emiserunt, & adhuc solemniter juxta enarratam reintegrationem professi non sunt, terminù intra Italiam quidem existentibus duorum mensium, intrâ Insulas verò Italiæ adjacentes trium, extrâ Italiam autem, & Insulas adjacentes quatuor mensium respectivè auctoritate nostra Apostolica statuatur ad declarandum, an velint supradictæ reintegrationis beneficio utentes, solemniter profiteri, & ad ipsam professionem solemnem emitendam.

Laici & Clerici professione non soluta à voti vinculo absolvantur.

§. 4. Quo termino elapso, & solemniter professione non secuta, Laici quidem, & Clerici minoribus tantum Ordinibus initiati dimittantur, & à suorum votorum simplicium, & juramenti vinculo per dictum Præpositum Generalem eximantur, & absolvantur.

§. 5. Clerici verò sacris Ordinibus initiati si patrimonium, aut Beneficium Ecclesiasticum congruè sustentationi ad præscriptum Sacri Concilii Tridentini sufficiens obtineant pariter dimittantur, sub Ordinarii loci obedientia permanuri: Iis verò qui patrimonio, aut beneficio caruerint, permittatur, ut in Domibus, sive Conventibus dictæ Religionis una cum solemniter professis, voce tamen activa, & passiva caritari, permaneant. Quod si discedere malint etiam dimittantur, itidem sub Ordinarii loci obedientia permanuri, & ab exercitio suorum Ordinum donec, & quousque patrimonium, aut beneficium sufficiens obtineant, suspensi.

Decretum irritans.

§. 6. Decernentes easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum plenissimè suffragari, & ab eis respectivè inviolabiliter observari; Sicque in præmissis per quoscumque Iudices Ordinarios, & Delegatos etiam causarum Palatii Apostolici Auditores iudicari, & definiti debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 7. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis, & aliis quibuscumque, etiam juramento, confirmatione Apostolica, vel quavis firmitate alia roboratis Statutis, & consuetudinibus,

privi-